

Ro Mataana Kana Ta Paulus Ibeede Pizin Tesalonika

1 ¹Nio Paulus. Niamŋan Silas mi Timoti ambeede ro ti ima piom wal ki kar Tesalonika ta kesekap la ki Tamanda Anutu mi Merere Yesu Kriŋi, mi kombotmbot lela lupŋana ki Kriŋi na.^a

Anutu ko ikampe yom, mi imboro yom ma kombot ambai. Ŋonoono.

Paulus, ni leleene ambai kat pa mbulu kizin Tesalonika

²⁻³Mazwaana ta boozomen na, niam taingŋi leleyam ambai kat pa Tamanda Anutu, mi ampakurkuri piom ta boozomen. Pa gorgori ta amkamam suŋŋana pini na, motoyam ilala pa mbulu tiom. Niom tina, urlaŋana tiom ipiyotyooto uraata ambaimbaiŋan. Mi ku'urur kat leleyom pizin tomtom, tabe kembelmbel uraata pizin. Mi ku'urur motoyom pa miiliŋana ki Merere kiti Yesu Kriŋi, tabe kemendernder mbolŋana ma kombotmbot.^b

⁴O niom toŋmatizŋiŋ tiam, Anutu, ni leleene piom ilip. Mi niam amute: Ni ipeikat yom ma kewe lene kek.^c ⁵Pa indeeŋe ta amsoyaara uruunu ambaiŋana piom na, amkam sua tiam men piom som. Bubunŋana Potomŋana ipombol sua tiam ma ima raama mburaana, mi amzzo raama leleyam iurla kat. Mi mbulu ta amkamam la mazwoyom bekena amuulu yom, ina tomini, niom kuute.^d ⁶Mazwaana tana, pataŋana biibi kat indeeŋe yom. Tamen kakan la sua tiam, mi Bubunŋana Potomŋana ikam ma leleyom ambai kat. Tana amre yom kembei kototo yam pa mbulu tiam, mi kototo Merere tomini.^e

⁷Tana niom kewe kin ambaiŋana pizin urlaŋana kan ta timbot irao Masedonia mi Akaia na, be kapatoonŋo zin pa mbulu ta Merere leleene pa i.^f ⁸Niom kembei kelenkelenŋ ta itaŋ ma kalŋaana biibi. Pa kewe zaala

^a 1:1 Ŋgo 17:1-13 ^b 1:2-3 1Kor 13:13; Ga 5:6; Kol 1:4+; 1Tes 4:13+ ^c 1:4 2Tes 2:13

^d 1:5 Ro 1:16+; 1Kor 2:4+, 4:20 ^e 1:6 Ŋgo 17:1-9; 1Kor 4:16+ ^f 1:7 1Tes 4:10

pa sua ki Merere ma ila ma irao Masedonia mi Akaia kek. Mi tina men som. Lele ta boozomen tileŋ uruyom kek kembei kuurla ki Anutu. Tana niam leyam sua sa be amso pizin mini som. Pa uruyom ta tileŋ kek.^g
⁹Tana mbulu tau kakam piam indeeŋe ta ama ma itiŋan tomtotmbot na, tomtot boozomen tiwidit mbol pa ma amleŋleŋ. Mi tizzo pa mbulu tiom tau kipizil kat ndemeyom pizin merere pakaamŋan, mi kotooro leleyom ila ki Anutu ŋonoono ta mata yaryaaraŋana i, mi kembesmbeeze pini.^h
¹⁰Mi iŋgi kazza Lutuunu Yesu tau Anutu ipei i ma imanga pa naala na, be imiili ma imar mini. Ni kola izem saamba mi isu be ikamke iti pa Anutu kete malmalŋana kini tabe ipet pa kaimer i.ⁱ

Paulus ikam uraata su Tesalonika

2 ¹O niom toŋmatiziŋ tiam, ituyom kuute: Indeeŋe tau ama mi itiŋan tomtotmbot na, uraata tiam itop som. Iur ŋonoono.^j ²Mi niom ko motoyom iŋgal: Mungu, indeeŋe ta amkam uraata su kar Pilipai na, tibalís yam ma amre yoyouŋana biibi, mi tipamiaŋ yam kat. Mi kaimer ma ama ampet tiom na, parzooroŋana ipet ma tomtot tikam pataraŋana biibi piam mini. Tamen Anutu ipombol yam, tana amoto som, mi amender mbolŋana, mi amso yom pa uruunu ambaiŋana ta Anutu iswe piti na.^k ³Niam sombe amkam sua pizin tomtot be ampombol zin, na ampandelndel zin som, mi ampakamkaam zin som. Amzzo sua ŋonoono men. Mi amzzo raama leleyam ŋgezeŋana.^l ⁴Anutu, ni itoombo yam ma ire yam kembei amrao pa uraata kek, tanata indemeere yam mi iur uruunu ambaiŋana imar nomoyam. Tana niam sombe amzzo zin tomtot pa uruunu ambaiŋana, na amkamam ŋgar biibi pa Anutu ta itirtiiri leleyam i be ni leleene ambai pa uraata tiam. Mi zin tomtot, sombe lenen ambai piam, o lenen ambai piam som, na amkamam ŋgar biibi pa koronŋ ta kembei som.^m

⁵Mi niom kuute: Indeeŋe ta itiŋan tomtotmbot na, amkamam sua mbuyeenegaŋa bekena amkam leleyom pa i na som. Mi amkam pakaamŋana sa bekena amwatke leyam koronŋ tiom na som. Sua tio ti, ŋonoono men. Anutu ire yo mi aŋso.ⁿ ⁶Mi niam amkamam be niom, som tomtot pakan kiwit uruyam mi kapakur yam na som.^o

⁷Ŋonoono, niam ŋgoŋana ki Kriŋi. Tana irao be amkeke piom, mi amur sua piom be ku'uulu yam. Tamen amkamam ta kembei som. Amkamam mbulu luumuŋana men piom, kembei moori ta mataana pa lutuunu bizin munmun.^p ⁸Pa niam amur kat leleyam piom. Tana leleyam be amkam

^g 1:8 Ro 1:8 ^h 1:9 Ŋgo 14:15; 1Kor 12:2 ⁱ 1:10 Ro 5:9; Pil 3:20; 1Tes 5:9; Tit 2:13

^j 2:1 1Tes 1:5,9 ^k 2:2 Ŋgo 16:19+, 17:1+; Pil 1:30 ^l 2:3 2Kor 2:17, 4:2 ^m 2:4 1Kor 4:2+; Ga 1:10; 1Tim 1:11; Tit 1:3 ⁿ 2:5 Ŋgo 20:33; Ro 1:9; 2Kor 2:17 ^o 2:6 Yo 5:41,44; 2Kor 11:7+ ^p 2:7 2Tim 2:24

uruunu ambaijana ki Anutu men piom na som. Amso amzem ituyam ma amwe leynom tomini. Paso, leleyam piom ilip.⁹ O toŋmatiziŋ tiam, niom ko motoyom ingalŋgal. Indeeŋe ta itijan tombotmbot mi amkamam uruunu ambaijana piom na, leleyam be amkam patajana piom som. Tana ambelmbel uraata biibi pa nomoyam ikot mberj ma aigule, beken a amkam leyam pat be iuulu yam.^r

¹⁰Tana mbulu ta amkamam piom wal ta kuurla na, ituyom kere kek. Mi Anutu tomini ire. Niam ti amkam ŋoobo mbulu sa piom som. Mbulu ta amkamam na, potomjana mi ndeeŋjana men. ¹¹⁻¹²Mi niom kuute: Mbulu kembei ta tamanda bizin tikamam piti i, ta amkamam ma ikot yom tataŋa. Pa ampakirkiri yom, mi ampombolmbol yom be kikiskis kat sua ki Anutu. Mi kwoyam imbol piom ta kembei: Kapa pai tiom ma ambai men. Naso mbulu tiom itop la kampejana ki Anutu. Pa ni iboobo yom be kombotmbot la peeze kini ma ila irao kala kar kini mi kombot lela azuŋka kini leleene.^s

Zin Tesalonika urlaŋana kizin imbol kat, tabe timender mboljana pa patajana

¹³Uunu toro ta gorgori niam leleyam ambai pa Anutu mi ampakurkuri, ina ta kembei: Indeeŋe ta amkam sua ki Anutu piom na, kelej sua tiam tana mi kere kembei sua sorok kizin tomtom som. Niom kikilaala kat kembei ina Anutu itunu sua kini, mi kakan la. Mi niom wal tau kuurla na, sua tana ikamam uraata la leleyom men i.^t

¹⁴Niom toŋmatiziŋ tiam, mbulu tamen ta ipet piom, mi zin wal ki Krisi ta timbotmbot lele pakaana ki Yudea na. Pa zin wal ta niomjan kar ta na, tikamam patajana piom, raraate kembei ta zin Yuda tikamam pa waen bizin ta tiurla ki Krisi na.^u ¹⁵Kere. Zin Yuda, mungu tipun Merere Yesu Krisi mi Anutu kwoono bizin ma timetmeete. Mi iŋgi tiseseeze niam motoyam tomini. Tana Anutu leleene pizin som kat. Pa tiurur koi pa tomtom ta boozomen.^v ¹⁶Mi iŋgi lenen be amkam sua pizin wal ta Yuda somjan i pepe, mi tikamam be tisekaala zaala piam. Paso, lenen be Anutu ikamke zin wal ta Yuda somjan i pepe. Tana sanaana kizin ta gorgori tinoknok, ta iŋgi indoundou ma iwe biibi kat, mi ikamam be ise ka seŋgaŋa i. Tana iŋgi be Anutu kete malmaljana kini ise kizin mi ikam kat zin.^w

Paulus leleene ilip kat be ire zin Tesalonika mini

¹⁷O niom toŋmatiziŋ tiam, niom kuute: Zin Yuda timaŋga piam, tabe tikam ma loŋa amzem yom, mi mazwaana ri tiŋgi taparmbot molo

⁹ 2:8 Ŋgo 20:24; 2Kor 12:15; Pil 2:17 ^r 2:9 Ŋgo 18:3+, 20:34; 1Kor 4:12; 2Kor 11:9, 12:15

^s 2:11-12 Ŋgo 20:31; Ep 4:1; Pil 1:27; Kol 1:10; 1Pe 5:10 ^t 2:13 Ga 1:11+; 1Tes 1:5

^u 2:14 Ŋgo 17:5+; Ibr 10:33+ ^v 2:15 Mt 5:12; Mt 23:34+; Ŋgo 2:23 ^w 2:16 Mt 23:32+; Ŋgo 13:45,50, 17:5

piti. Tamen leleyam na, imbotmbot raama yom men. Tana ambot mi amkamam kinkiini be ama mini.^x ¹⁸Pa leleyam ilip kat be amre motoyom mini. Nio Paulus aŋrru zaala be aŋma. Tamen aŋmaŋga be aŋma na som. Beso aŋmaŋga mini na som. Pa Tomtom Sanaana ta isekalkaala zaala piam.^y ¹⁹Keleŋ. Merere Yesu Krisi isombe imiili ma imar, na niam ko amur motoyam pa sokorei? Mi sokorei tabe ikam yam ma niyam ise, mi menmeen yam isu kereene uunu? Mi sokorei ta ko iwe kembei kadoono ambaiŋana piam? Ina niom tau!^z ²⁰Ŋonoono kat. Niom tina, ta ko kakam yam ma menmeen yam biibi mi niyam ise.^a

Uunu ta Paulus iŋgo Timoti ma ila kizin Tesalonika kan

3 ¹⁻²Indeeŋe ta niam ambotmbot kar Atens na, kopoyam rru piom. Ko kombot ambai, som som? Amru zaala ma som, ta amgo toŋmatiziŋ tiam Timoti ma ima. Mi niam pakan na, ambot. Timoti, ni igabgaaba yam pa uraata ki Anutu, mi iuluulu yam pa Krisi uruunu soyaaraŋana. Tana niam amgo i piom, beken a ipombol urlaŋana tiom, mi iulu yom ma kemender mbolŋana.^b ³Pa amoto: Kokena pataŋana ta ikamam yom i itok tomtom tiom pakan urlaŋana kizin. Mi niom kuute kek. Sombe toto Anutu zaala kini, nako tabaada pataŋana ta kembei.^c ⁴Pa indeeŋe ta itiaŋ tombotmbot na, amzzo piom ta kembei: “Kere yom. Pa tomtom ko tikam pataŋana piti.” Sua tiam tana, iŋgi kere iur ŋonoono kek. ⁵Tana aŋru zaala ma som, to aŋgo Timoti ma ima. Pa aŋmoto: Kokena Watiŋi itoombo yom, to ikam ma uraata tiam itop ma iwe koronj sorok. Tana aŋso aŋute kat: Urlaŋana tiom imbol, som som?^d

Paulus ileŋ zin Tesalonika urun ma leleene ambai kat

⁶Uunu tina ta aŋgo Timoti ma ima. Mi ni ima ilou yom makiŋ, ta iŋgi imar ipet tiam i. Mi ikam uruyom ambaiŋana ma imar, mi iso piam ta kembei: Niom kikiskis men urlaŋana tiom, mi ku'urur leleyom pizin tomtom. Mi ketwer piam pa mazwaana ta boozomen, mi leleyom ilip be kere yam, kembei ta niam tomini leleyam be amre yom.^e ⁷⁻⁸Tana niom toŋmatiziŋ tiam, ŋonoono, iŋgi niam ambotmbot raama pataŋana boozomen, mi tomtom tiseseeze motoyam. Tamen amlen uruyom kembei kemendernder mbolŋana, mi kikiskis urlaŋana tiom ta ila ki Merere i, tanata ipombol yam ma leleyam ambai kat!

⁹Mi indeeŋe ta amzuŋzuŋ su Anutu kiti kereene uunu na, leleyam ambai kat mi ampakurkuri piom. Tana ko amso so sua i be amswe leleyam ambaiŋana ti? Som. Pa sua sa irao som. ¹⁰Mi mbeŋ ma aigule

^x 2:17 Ŋgo 17:5-10 ^y 2:18 Ro 1:13, 15:22 ^z 2:19 Pil 2:15+, 4:1; 2Tes 1:4 ^a 2:20 2Kor 1:14; 1Tes 3:13; Tur 1:7 ^b 3:1-2 Ŋgo 17:15 ^c 3:3 Yo 16:33; Ŋgo 14:22; 2Tim 3:12

^d 3:5 Pil 2:16 ^e 3:6 Ŋgo 18:5

na, amkamam sunḡana mbolḡana be Anutu iur leyam zaala sa be ama mi amre motoyom mini. Naso amrao be ampaute yom pa koronḡ pakan ta kuute zen na, mi ampombol urlaḡana tiom ma imbol kat.^f

Paulus isunḡ pizin Tesalonika kan

¹¹Tana inḡi anḡsunḡ Tamanda Anutu ziru Merere kiti Yesu be tiur leyam zaala sa mi ama. ¹²Mi Merere ko ikam ma ku'urur leleyom par piom mi pizin tomtom ta boozomen. Mi mbulu tana ko izze ma iwe biibi ma raraate kembei ta niam amurur leleyam piom na.^g ¹³Mi ni itunu ko ipombol leleyom. Beso Merere kiti Yesu Kisi imiili ma imar raama wal kini potomḡan ta boozomen, mi kemender su Tamanda Anutu kereene uunu, na ni ko ire yom kembei niom ndabokḡoyom, mi potomḡoyom, mi leynom uunu sa isaana som.^h

Mbulu pakan ta Anutu leleene pa

4 ¹Ayo, niom tonḡmatiziḡ tiam, inḡi be anḡsop sua tio. Mbulu ta Anutu leleene pa be kakam, ina niam ampaute yom pa ma kuute kek. Mi mbulu tana ta kakamam, mi iseenge iseenge ma imarmar i. Mi inḡi amso ampombol yom mini pa Merere Yesu zaana be kakam ma kam kat, mi iseenge iseenge ma ila.ⁱ ²Tutu ta amur piom pa Merere Yesu zaana, ina niom kuute kek. ³Anutu, ni leleene be kewe potomḡoyom. Tana mbulu ki urḡanol na, kombot molo pa.^j ⁴Niom tomtom tataḡa, motoyom inḡal be koto zaala ki Anutu pa mbulu ki ula, mi kagabiizi ituyom. Naso kakam mbulu potomḡana ta ambai pa Anutu mi tomtom matan. ⁵Kokena kakam kembei wal matan munḡan ta tiute Anutu som i. Pa zin na, nin zze pa mbulu soroksorok boozomen ki kulin, mi tikamam.^k ⁶Tana kere yom. Kokena kakam mbulu ki urḡanol, to kapasaana tonḡmatiziḡ tiom mi kakam ḡoobo zin. Pa mbulu boozomen ta kembei na, Merere kola ipokot. Ka sua ta niam amso ma keleḡ kek. Pa munḡu amkam sua mbolḡana piom pa mbulu ta ti.^l ⁷Anutu, ni iboobo ito be takam mbulu sananḡana som. Ni ibobo ito be tewe ni lene kat, mibe tewe potomḡanda.^m ⁸Tana sombe tomtom sa izooro sua ti, na ni izooro yam tomtom som. Ina ni izooro Anutu ta ikamam Bubunḡana Potomḡana piti i.ⁿ

Tuur lelende pizin tomtom

⁹⁻¹⁰Mi mbulu ki tuur lelende pizin tonḡmatiziḡ ta ki Kisi i, na niam leyam sua sa be ambeede piom som. Pa Anutu itunu ipaute yom pa

^f 3:10 Ro 1:10+; 2Tim 1:3 ^g 3:12 1Pe 1:22 ^h 3:13 1Kor 1:8+; 1Tes 4:16+; 2Tes 1:10; Tur 14:5 ⁱ 4:1 Pil 1:27; Kol 1:10; 1Tes 2:12 ^j 4:3 1Kor 6:13+; Ep 5:3,17,27; 1Pe 1:16

^k 4:5 Ro 1:24+; 1Kor 15:34; Ep 4:17+; Kol 3:5 ^l 4:6 Kam 20:14; Ibr 13:4 ^m 4:7 Yo 17:19; 1Pe 1:15+ ⁿ 4:8 Lu 10:16; 2Kor 1:22; Ep 4:30; 1Yo 3:24

mbulu tana ma karao pa kek. Mi ingi ku'urur leleyom pa toŋmatizij ta boozomen ki Kriŋi ta timbot irao lele pakaana biibi ki Masedonia na. Tamen amso ampombol yom mini be kakam kat mbulu tana, mibe kikiskis mi iseenge iseenge ma ila.^o

Takam uraata. Kokena tombot se kizin wal pakan

¹¹⁻¹² Niam leleyam be kombot se kizin wal pakan pepe. Tana kuur niyom, mi mbuleyom tuŋ su kat, mi kakam uraata pa ituyom nomoyom, kembei ta muŋgu amso piom na. Naso mbulu tiom ambai pizin wal ta tiurla som na matan. Kokena motoyom iŋgal uraata tiom som, mi kawwa leyyom sorok.^p

Miiliŋana ki Yesu

¹³ Niom toŋmatizij tiam, niam leleyam be kakam kat ŋgar pizin wal meetejan. Ŋonoono, zin wal ta tiurla som na, lenen ipata kat pizin meetejan. Paso, zin tiurur matan pa maŋgaŋana kizin meetejan som. Mi niom na, leleyom ipata kat kembei ta zin pepe. Kakam ŋgar pizin meetejan kembei zin tikenne men.^q ¹⁴ Pa iti tuurla ta kembei: Yesu, ni imeete mi imaŋga mini kek. Tana zin wal ta tiwe ni lene mi timeete na, Anutu kola ipei zin ma timaŋga mini, mi ikam zin ma ziŋan Yesu tila kini.^r

¹⁵ Ingi Merere itunu kalŋaana ta amso piom: Ni isombe imiili ma imar mini, na iti ta tombotmbot matanda yaryaara i ko tumuungu pizin wal meetejan som.^s ¹⁶ Pa Merere isombe izem saamba mi isu, na ni ko iur sua raama kalŋaana biibi, mi aŋela kini mataana kana iboobo, mi twiiri ki Anutu itaŋ. To zin wal ta tiwe Kriŋi lene mi timeete kek na, ko timaŋga muŋgu,^t ¹⁷ mana tiyogeege iti pakan ta tombotmbot matanda yaryaara i, mi tilup ti raama zin meetejan, mi karau men mi tikam ti ma tasala miiri tieene ta imbot la maŋaanaŋana na. Mi itijaŋ Merere ko tasala kar saamba be tombotmbot raami ma alok.^u ¹⁸ Tana motoyom iŋgalŋgal sua ti, mi kaparpombolmbol yom pa.

Tuurpe itundu mi tuur matanda pa miiliŋana ki Merere

5 ¹ Niom toŋmatizij tiam, miiliŋana ki Merere ka nol na, niam irao ambeede ka sua sa na som. ² Pa ituyom kuute kek. Nol ki Merere ko ipet kembei tomtom kuumbuna ta imar pa mbeŋ i.^v ³ Tomtom ko tizzo ta kembei: “Aiss, ingi mazwaana ambaiŋana kat be tombot. Pa kosa

^o **4:9-10** Yo 13:34, 15:12; Ep 5:2; 1Yo 3:11+ ^p **4:11-12** Ep 4:28; Kol 4:5; 2Tes 3:6+;

1Pe 2:12, 4:15 ^q **4:13** Ep 2:12 ^r **4:14** Ro 14:9; 1Kor 15:13+ ^s **4:15** 1Kor 15:51+

^t **4:16** Mt 24:30+; 2Tes 1:7+ ^u **4:17** Yo 12:26; Ŋgo 1:9; Tur 11:12 ^v **5:2** Mt 24:43+;

1Kor 5:5; 2Pe 3:10; Tur 3:3, 16:15

sa irao ipasaana iti na som.” Tana ko tizzo ta kembei, mi patanjana tabe ipasaana kat zin ipet. Ko ipamurur zin kembei moori ta pikin ikam kati be ipeebe i. Mi ko tirao be tiko na som.

⁴ Mi niom toŋmatiziŋ tiam, niom kombotmbot lela zugut lene mini som. Tana nol biibi tana irao be ipamurur yom kembei tomtom kuumbuŋana i na som. ⁵ Pa iti zugut kanda som. Niom ta boozomen tina aigule koyom. Kewe mat lutuunu bizin kek. ⁶ Tana iti tekeenemeete kembei ta zin wal pakan pepe. Tagabizbiizi itundu, mi tapamatmaata ma tombotmbot. ⁷ Kere. Zin wal ta tikenne na, tikenne pa mbeŋ. Mi zin wal ta tiwinin ma tigadgaada na, tiwinin pa mbeŋ. ⁸ Mi iti na, aigule kanda. Tana tagabiizi itundu, mi tiurla kat, mi tuur lelende pizin tomtom. Pa ina iwe kembei mburu malmal kana ta isekalkaala kanda mbooro na. Mi tu'urur matanda pa mazwaana tabe Anutu ikamke iti ma tombot ambai. Pa ina iwe kembei mburu malmal kana ta isekalkaala utende na. ⁹ Pa Anutu, ni iur ti be kete malmalŋana kini ise kiti na som. Ni iur ti be takam ulaaŋa kini ma iwe lende. Ulaaŋa tana na, Merere kiti Yesu Krisi ta iwe zaala pa. ¹⁰ Pa ni ta ikam murindi mi imeete piti, bekana ikam ti ma tala tombotmbot raami su kar saamba. Tana sombe temeete, som tombot matanda yaryaara, nako ni itiŋan tombotmbot. ¹¹ Tana niom ta boozomen kaparpombolmbol yom be kemender mbolŋana, kembei ta kakamam i. ^b

Sua tutŋana pakan

¹² Niom toŋmatiziŋ tiam, zin wal tau Merere iur zin be timboro yom, mi tikamam uraata piom, mi tipazalzal yom pa sua ki Anutu na, timbelmbel uraata piom. Tana niam leleyam be leynom ŋger pizin, ^c ¹³ mi kuur kat leleyom pizin, mi motoyom ikotse kizin. Pa zin tikamam uraata biibi piom. Mi leleyam be niom ta boozomen kaparlup leleyom ma kewe tamen, mi kombotmbot la mbulu luumuŋana men.

¹⁴ Niom toŋmatiziŋ tiam, niam amso ampombol yom pa mbulu pakan tabe kakam i. Zin wal ta so mburan pa uraata som, mi timbombooren sorok i, na kapazal zin. Mi zin wal ta so timototo, na kopombol zin. Zin wal ta so timbol som, na kapalot zin bekana timender mbolŋana. Mi kakam mbulu luumuŋana men pa tomtom ta boozomen. ^d ¹⁵ Sombe tomtom sa ikam ŋoobo mbulu piom, na kopokot pepe. Mazwaana ta boozomen na, kakam kinkiini be kaparkam mbulu ambaiŋana piom,

^w 5:5 Lu 18:8; Yo 12:36; Ep 5:8+ ^x 5:6 Mt 24:42, 25:1-13; Ro 13:11+; 1Kor 15:34; Ep 5:14; 1Pe 5:8 ^y 5:8 Ep 6:13+ ^z 5:9 Ro 5:9; 1Tes 1:10; 2Tes 2:13+ ^a 5:10 Ro 14:8+; 2Kor 5:15; 1Tes 4:14 ^b 5:11 1Br 10:24+; Yud 20 ^c 5:12 1Kor 16:18; Ga 6:6; Pil 2:29; 1Tim 5:17; 1Br 13:7,17 ^d 5:14 Mt 18:15; Ro 14:19; Ga 6:1+; Kol 3:12; 2Tes 3:6+

mi pizin tomtom ta boozomen. Tana kere be kaparpombolmbol yom pa mbulu ta kembei.^e

¹⁶Leleyom ambai pa mazwaana ta boozomen.^f ¹⁷Mi kuzunzun taparpaara.^g ¹⁸Mbulu pareipareinjan ta so ipet, na leleyom ambai men pa Anutu mi kapakuri. Pa ni leleene be niom wal ta kesekap la ki Krisi i kakam mbulu ta kembei.^h

¹⁹You ki Bubunjana Potomjana na, kupunmeete pepe.ⁱ ²⁰Mi Anutu kaljaana ta kwoono bizin tiso yom pa na, kerepiili kembei koronj sorok pepe.^j ²¹Tamen sua mi mbulu ta boozomen na, niom bela kipitpeleele. Koronj ambaimbaijan na kikiskis.^k ²²Mi koronj sananjan ta boozomen na, kombot molo pa.

Sua pemetjana

²³Anutu, ni imborro iti ma tombot ambai, mi ni mbulu luumujana katuunu. Ni itunu ko ikam yom ma kewe potomjyom kat, mi imborro kunuyom, ngar tiom, leleyom, mi kuliyom ma ambai men ma irao miilijana ki Merere kiti Yesu Krisi. Naso leynom uunu sa isaana som.^l ²⁴Anutu ta iboboobo yom i, ni itoto sua kini mbukjana. Tana ni kola ikam ta kembena.^m

²⁵Niom tonmatizij tiam, motoyom ingalngal yam pa sunjana.ⁿ ²⁶Mi zin tonmatizij kiti ta tiurla na, kakam zin ta boozomen mi kaparteege nomoyom.^o

²⁷Nio anjam sua mboljana piom pa Merere zaana be kapaata ro ti pizin wal urlajan ta boozomen ma tilej.

²⁸Kampejana ki Merere kiti Yesu Krisi ko ise tiom. Ijonoono.

^e 5:15 Mt 5:39+; Ro 12:17; 1Pe 3:9 ^f 5:16 2Kor 6:10; Pil 4:4 ^g 5:17 Lu 18:1; Ro 12:12; Ep 6:18; Kol 4:2 ^h 5:18 Ep 5:20; Kol 3:17 ⁱ 5:19 Ep 4:30; 2Tim 1:6 ^j 5:20 1Kor 14:1,39
^k 5:21 1Kor 14:29; 1Yo 4:1 ^l 5:23 Ro 15:33; 1Kor 1:8; 1Tes 3:13; 2Tes 3:16 ^m 5:24 1Kor 1:9, 10:13; Pil 1:6; 2Tes 3:3 ⁿ 5:25 Kol 4:3; 2Tes 3:1 ^o 5:26 Ro 16:16